

ACTA NUMERO DEZASEIS CORRESPONDENTE Á SESIÓN ORDINARIA DO PLENO DA CORPORACIÓN QUE TIVO LUGAR O DÍA 25 DE NOVEMBRO DE 2000.

-----oOo-----

No Salón de Butacas do Teatro Principal, sendo as once horas e dez minutos do día vintecinco de novembro de dous mil reúnese, en sesión ordinaria e primeira convocatoria, o Pleno da Corporación do Concello de Pontevedra baixo a presidencia do Sr. Alcalde D. Miguel Anxo Fernández Lores, e coa asistencia dos Sres. Concelleiros D. Xosé Cesáreo Mosquera Lorenzo, D. Raimundo González Carballo, D. Xosé Luis Bará Torres, D<sup>a</sup> María Salomé Álvarez Blanco, D. Miguel Anxo Vázquez Plaza, D<sup>a</sup> María dos Anxos Riveiro Portela, D<sup>a</sup> María Carmen da Silva Méndez, D. Xosé Luis Veiga Lage, D. Manuel Xesús Fontán Bouzas, D. Juan Luis Pedrosa Fernández, D<sup>a</sup> María Josefa Manzanares Perela, D. Gerardo Zugasti Enrique, D. Enrique de la Peña Vieitez, D. José Manuel Fernández Rodríguez, D. Juan Enrique Magdalena Chan, D. Celestino Lores Rosal, D<sup>a</sup> Sonia Rey Barros, D. Roberto Jesús Taboada Rivadulla, D<sup>a</sup> María Teresa Casal García, D. Luciano Eusebio Santiago Esperón, D. Guillermo Antonio Meijón Couselo y D<sup>a</sup> María Dolores Elvira de Ozámiz Lestón, non asistindo D. Manuel Abeledo López e D. Francisco Arturo Pichel Márquez, estando presente a Sra. Viceinterventora, D<sup>a</sup> María Herculina Domínguez Martín, actuando como Secretario D. Julio Dapena Outomuro, que dá fe do acto.

O Sr. Alcalde declara aberta a sesión.

ORDE DO DÍA

**1.- ACTAS ANTERIOR: APROBACIÓN DO BORRADOR DA ACTA DA SESIÓN EXTRAORDINARIA DO DÍA 12 DE SETEMBRO DE 2000.**

Dáse conta do borrador da acta da sesión plenaria extraordinaria do día 12 de setembro de 2000, que se aproba por unanimidade e sen modificación ningunha.

**2.- ORGANIZACIÓN CORPORATIVA: COMPOSICIÓN DA COMISIÓN INFORMATIVA ESPECIAL CREADA PARA ELABORACIÓN DUN NOVO REGULAMENTO ORGÁNICO DA CORPORACIÓN.**

Vistas as comunicacións dos portavoces dos grupos políticos da Corporación municipal facilitando os nomes dos concelleiros que integrarán a Comisión informativa especial para a elaboración dun novo Regulamento Orgánico da Corporación creada por acordo plenario de data 30 de setembro último, o Pleno da Corporación toma coñecemento da composición da devandita Comisión Informativa especial, a cal queda composta da seguinte forma:

Presidente:

O Sr. Alcalde ou Concelleiro en quen delegue.



- Café-Concerto, Café-Cantante, Karaoke, Boleiras ou recintos onde se emita música ao vivo,: 150 m<sup>2</sup>.

- Discotecas, salas de baile e salas de festa, tablaos flamencos, "music hall" e similares: 250 m<sup>2</sup>.

e) Os valores de illamento tamén se refiren ós orificios e mecanismos para a ventilación e acondicionamento de ar dos locais.

2. Cando o foco de emisión de ruídos, no caso de actividades en xeral, sexa un elemento puntual, compresores, ventiladores, etc, o illamento acústico poderase limitar a dito foco emisor, sempre que se cumpran os niveis de transmisión de ruídos regulados nos artigos 9 e 10 desta Ordenanza.

3. O cumprimento das disposicións deste artigo non exime da obriga de axustarse ós niveis dos artigos 9 e 10 da Ordenanza".

SEGUNDO.- Dispoñer que a modificación da Ordenanza aprobada inicialmente se someta a información pública polo período de trinta días hábiles a efectos de reclamacións e suxestións, mediante anuncio que se publicará no Boletín Oficial da Provincia.

TERCEIRO.- Resoltas as reclamacións polo Pleno da Corporación, de se-lo caso, ou elevado a definitivo o Acordo provisional de non se formular alegacións, procederáse á publicación do texto íntegro do precepto da ordenanza modificada no Boletín Oficial da Provincia, non entrando en vigor ata que se efectúe a citada publicación e transcorra o prazo previsto no art. 65.2 da Lei 7/1985, de 2 de abril, Reguladora das Bases do Réxime Local.

**8.- PREMIOS CIDADE DE PONTEVEDRA: MODIFICACIÓN DAS BASES REGULADORAS DA CONCESIÓN DOS PREMIOS CIDADE DE PONTEVEDRA.**

Dáse conta do dictame, favorable por unanimidade, da Comisión Informativa Permanente de Política Social e Promoción do Benestar, sobre a modificación das bases reguladoras da concesión dos premios Cidade de Pontevedra.

Aberto o debate, concédese a palabra a don Xosé Luis Bará Torres, en representación do grupo municipal do Bloque Nacionalista Galego, o cal manifesta que aínda que é un tema suficientemente xa debatido, intervén para explica-los cambios introducidos nas bases que se refiren por unha parte a aspectos de contido e por outra a aspectos formais ou de redacción; os cambios máis importantes refírense á introducción dun preámbulo no que se explica a filosofía, a razón de ser destes premios, as modalidades e se fai unha referencia explícita a que o xurado valorará e terá en conta especialmente o traballo desenvolvido polas entidades ó longo do ano, tamén se lle dá unha maior publicidade ó premio e sinálase un prazo dun mes, dende o 5 de decembro ó 5 de xaneiro, para presentación de propostas, hai tamén unha maior concreción e modificación de aspectos referidos á composición do xurado e á elección de representantes por parte de asociacións culturais, veciñais e medios de comunicación e tamén unha maior concreción e precisión no que se refire ás deliberacións e ás votacións do xu-

xurado, tanto na primeira votación na que se esixe unha maioría de dous tercios, como na segunda reunión na que se pide a unanimidade tanto na presentación de propostas como na votación; quere facer constar como Presidente da Comisión a vontade de consenso con que tódolos grupos políticos afrontaron o debate deste tema e expresa-la confianza de que estas bases sirvan para consolida-los Premios Cidade de Pontevedra como un galardón de carácter institucional de todos, contribuíndo así a aumenta-lo seu prestixio e a súa proxección social.

A continuación intervén dona María Teresa Casal García, en representación do grupo municipal do Partido dos Socialistas de Galicia-PSOE, dicindo que se congratula de que esta reforma das bases fose consensuada, pensa que cunha grande xenerosidade, por parte dos tres grupos, renunciando a algunhas suxestións que se fixeron e aceptando as dos demais e penso que debe ser así porque estes Premios Cidade de Pontevedra, se queren que de verdade teñan unha proxección e unha categoría e que realmente os premiados se sintan orgullosos de recibilos, ten que ser partindo dunha base moi importante que é que hai cousas tanto nos concellos como na administración central como nas comunidades que non deben ter cor política e este é un dos casos, de aí precisamente os acordos ós que se chegaron no tema de cómo face-las propostas e de cómo chegar a un acordo, que xa o destacou o presidente da Comisión, e que soamente habería proposta por parte dos grupos políticos en caso de que non se chegara a un acordo na primeira xuntanza e incluso neste caso a proposta tiña que ser tamén por unanimidade, pensa que é moi importante este dato e tamén o da publicidade que se acordou dar, porque é importante que se difunda que existen os premios e antes se facía dun xeito que non daba lugar a moitas propostas, por último destacar tamén o feito do preámbulo no que tamén se resalta a idea de que poidan ser tamén mozos os premiados, que aínda que podía estar implícito antes, agora pensa que moita xente se pode dar conta mellor de que os mozos tamén poden ter cabida nestes galardóns e espera que así sexa no futuro,

Seguidamente intervén en nome do grupo municipal do Partido Popular, don Celestino Lores Rosal, dicindo que efectivamente isto é unha mostra de como se ten que facer, tal como falaban antes, pero neste caso como a iniciativa sae do Goberno entón convócase a Comisión, apórtanse as ideas e fanse, por tanto fagan o mesmo cando se trata das propostas da oposición, pois neste caso veuse claramente como é o traballo, como se fai nunha Comisión, como se aportan as ideas e como se recollen coa contribución de cada quen e así se pode chegar a un acordo, pero isto a ver se o fan en tódalas Comisións.

De novo concédese a palabra ó señor Bará Torres, o cal manifesta que non tiña previsto intervenir no segundo turno, pero ten que lle recordar ó señor representante do Partido Popular que

neste mandato téñense aprobado numerosas ordenanzas, regulamentos e normativas co traballo, a participación e a vontade de acordo de tódolos grupos, tanto por iniciativa do grupo de goberno como doutros partidos que forman parte da Corporación, por tanto este non é unha excepción.

Rematado o debate, o Pleno da Corporación, por unanimidade, e de conformidade co dictame da Comisión Informativa Permanente de Política Social e Promoción do Benestar, acorda aproba-la modificación das bases reguladoras da concesión dos premios cidade de Pontevedra, sendo o texto íntegro das bases modificadas o seguinte:

BASES DO PREMIO "CIDADE DE PONTEVEDRA"

Preámbulo:

Os premios Cidade de Pontevedra teñen como finalidade galardoar o relevante labor desenvolvido na modalidade individual por unha persoa física, e na modalidade colectiva por persoas xurídicas (asociacións, entidades ou colectivos de carácter cultural, social, xuvenil, empresarial, etc.). O xurado terá en conta e valorará especialmente o labor desenvolvido no ano que corresponda.

1º.- Dos galardoados:

Concederanse os seguintes premios:

A) A unha persoa física vencellada, dalgún xeito, ao municipio de Pontevedra e aos seus habitantes.

B) A unha persoa xurídica, asociación, entidade ou colectivo que teña desenvolvido un labor de especial proxección cara Pontevedra ou os seus habitantes.

Para cada unha das modalidades comprendidas nos apartados A), B) outorgarase un único premio que consistirá nun teucro de prata e un diploma.

2º.- Da proposta dos candidatos.

O Concello de Pontevedra fará pública a convocatoria para a presentación de propostas na que se sinalará o prazo, e daráselle a oportuna publicidade para o coñecemento de tódolos cidadáns.

O prazo de presentación de candidaturas comezará o día 5 de decembro do ano en curso, e rematará o 5 de xaneiro do ano seguinte.

Os candidatos a ámbalas dúas modalidades do Premio "Cidade de Pontevedra" poderán ser propostos por calquera asociación, institución, entidade ou colectivo do municipio de Pontevedra; sen que poida, ningunha delas, propoñerse a ela mesma. As propostas serán presentadas no rexistro do Concello; e nelas sinalaranse todos os datos posibles do candidato ou candidatos propostos. Deberase xuntar, para cada caso, unha memoria xustificativa que saliente a traxectoria persoal ou profesional dos propostos.

As persoas físicas ou xurídicas propostas deberán sempre ter coñecemento da súa candidatura.

3º.- Do xurado.

3.1. Do presidente do xurado: a presidencia a ocupará o Ilmo. Sr. Alcalde, co seu voto de calidade, quen a poderá delegar no Presidente da Comisión Municipal Informativa da área correspondente. Actuará como secretario o titular da corporación ou o funcionario en quen este delegue.

3.2. Dos vocais: o xurado estará composto polos membros da comisión informativa da área correspondente, incluído o presidente da mesma. Representarán de maneira proporcional os distintos grupos municipais. Así mesmo formarán parte do xurado cualificador dos Premios "Cidade de Pontevedra" un representante elixido entre as asociacións veciñais; outro entre as asociacións culturais; e un terceiro entre os medios de información, con representatividade no Municipio. Estes tres representantes deberán selo por un so período, aínda que poderán ser ratificados ou reelixidos.

4°.- Da elección dos candidatos.

Unha vez rematado o prazo de presentación de propostas, o xurado fixará a primeira das súas reunións, ao longo da semana seguinte á da finalización do prazo de presentación de candidaturas, co fin de analizar as propostas existentes. Procederá ao estudo polo miúdo da biografía e do currículo de cada un dos candidatos propostos.

Todos os membros do xurado tratarán de consensuar de maneira unánime o outorgamento dos premios. De non ser así, deberá chegarse á obtención dunha maioría cualificada de dous tercios.

Se o xurado na primeira reunión non chegase á unanimidade ou a unha maioría cualificada de dous tercios con respecto ás candidaturas presentadas, poderán propor outros candidatos nunha segunda sesión sempre que sexa por unanimidade, tanto a proposta como a elección.

Poderase deixar o premio deserto.

Unha vez realizada a votación e elixidos os premiados, o xurado gardará segredo sobre as deliberacións da sesión.

5°.- Da entrega de premios.

A corporación comunicarlles aos galardoados a concesión dos premios.

Unha vez que o xurado acorde os premios, a corporación municipal, en sesión plenaria, prestará aprobación aos mesmos. Esta decisión será inapelable.

Os premios serán entregados na sesión extraordinaria de honras que para tal efecto terá lugar tradicionalmente o día 20 de xaneiro, festividade de San Sebastián.

Disposición final.

En todo aquilo que non se preveña nas presentes bases, fáltase ao xurado cualificador para a súa interpretación e resolución.

O feito de presentar propostas aos Premios "Cidade de Ponte-

vedra" supón a total aceptación das presentes bases.

**Se ausenta da sesión don Xosé Cesáreo Mosquera Lorenzo.**

**9.- SERVICIO MUNICIPAL DE ABASTECIMIENTO DE AUGAS: REVISIÓN DO PREZO DO ANTERIOR CONTRATO CON MOTIVO DA AMPLIACIÓN DE PERSOAL, SOLICITADO POLA EMPRESA CONCESIONARIA DURANTE OS EXERCICIOS 1995, 1996 E 1997.**

Dáse conta do dictame, favorable por maioría, da Comisión Informativa de Economía, Facenda e Patrimonio sobre a revisión do prezo do anterior contrato do servizo municipal de abastecemento de augas con motivo da ampliación de persoal, solicitado pola empresa concesionaria durante os exercicios 1995, 1996 e 1997.

O Pleno da Corporación, por maioría, prestou a súa aprobación ós proxectos de acordo nos termos seguintes:

**A) REVISIÓN DO PREZO ANO 1995.**

Visto o expediente tramitado a instancia da empresa AQUAGEST, S.A., adxudicataria da xestión indirecta do servizo público municipal de abastecemento de auga, solicitando a revisión do prezo do contrato correspondente ó exercicio de 1995, por aumento do persoal, resultan relevantes os seguintes FEITOS:

1º.- O Pleno da Corporación na súa sesión extraordinaria que tivo lugar o día 21 de marzo de 1991, aprobou o prego de prescricións técnicas e condicións económicas-administrativas para adxudicar, mediante concurso, a xestión indirecta do servizo municipal de abastecemento de augas na súa modalidade de concerto e co carácter de ensaio, estudio e posta a punto do servizo.

2º.- O Pleno da Corporación en data 29 de maio de 1991, adxudicou á empresa AQUAGEST, S.A., a xestión indirecta do servizo municipal de augas.

3º.- O Pleno da Corporación en data 8 de xuño de 1995 aprobou a revisión extraordinaria do prezo do contrato a consecuencia do aumento dos custos de persoal pola non incorporación de dous funcionarios municipais e a xubilación doutros dous.

4º.- Pola empresa AQUAGEST S.A. se solicita a revisión do prezo do contrato motivado pola ampliación do persoal para cubrir vacantes do persoal municipal adscrito ó servizo do ano 1995.

5º.- O prego de condicións regula na súa cláusula sétima o persoal municipal que sería adscrito ó servizo, establecendo que "el Ayuntamiento adscribirá a la empresa adjudicataria un Maestro Fontanero, siete Oficiales Fontaneros, tres Peones Operarios, dos Guardas de depósito y un conductor, todos ellos funcionarios y un ayudante de fontanería, contratado laboral. Los funcionarios y personal laboral adscritos prestaran sus servicios a la empresa adjudicataria, bajo su dirección, respetando el Ayuntamiento integramente los derechos derivados de su relación estatutaria o laboral con la Administración municipal".